



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Eisdem.

**urn:nbn:de:hbz:466:1-20006**

accensis vice nostra excommunicetis, & interdicatis, nunciatisque excommunicationis & interdicti vinculo innodatos: quos tamdiu volumus sicut excommunicatos & interdictos ab omnibus evitari, donec de perpetratis excessibus satisfaciant competenter, & si delicti qualitas hoc exegerit, ad sedem apostolicam cum testimonio litterarum Abbatis vel Capituli veniant absolvendi. Liceat insuper vobis, sicut à benignitate sedis apost. instantius postulastis, ut in solemnitate, quam in translatione beatae Mariae Magdalene infra Quadragesimam annis singulis celebratis, ad gloriam Dei & laudem, ob solemnitate ipsius reverentiam, *Gloria in excelsis Deo* ad Missas de festivitate ipsius in monasteriis vestris solemniter decantetis. Nulli ergo &c. Datum Romae apud sanctum Petrum.

E I S D E M.


Epist. 118.  
De privilegio in fraudem aliorum, & quo privilegiari abutuntur, impetrato, revocando.

AD audientiam apostolatus nostri pervenit quod Canonici Castrici Centurij à sede apostolica indulgentiam impetrarunt ne pro injuriis à dominis ejusdem Castrici vicinis Ecclesiis irrogatis, Castrum ipsum subijci valeat interdictio: cuius libertatis occasione praedicti domini malignandi materiam assumptes, vobis & Ecclesiis vestris damna plurima & injurias intulerunt, de quibus nullam potuistis consequi rationem. Ideoque presentibus vobis literis indulgemus, ut praescripta indulgentia in praedictum iustitiae & iuris monasterij vestri nullas vires obtineat in posterum vel effectum. Datum Romae apud sanctum Petrum.

GERARDO ABBATI  
Virgiliacensi.

Epist. 139.

VM à nobis petitur &c. usque ad verbum illud assensu. Devotioni tuae praesenti pagina indulgemus ut liceat tibi & successoribus tuis homines tuae subditos potestati, civili iudicio experiri coram te volentes, lite mota, juris ordine observato, ad iudicium convocare, & cogere appellatione remota ad iudicium quod iuste tuleris observandum. Nulli ergo &c. Datum Romae apud sanctum Petrum X. Kalend. Maij.



ABBATI ET CONVENTUI  
Virgiliacensi.

VM ad quorundam malitiam coercedendam in Concilio fuerit Lateranensi multa deliberatione statutum ut Archiepiscopi, Episcopi, Archidiaconi, Archiepiscopi etiam, & Decani, certum electionis numerum & personarum in Ecclesiarum visitationibus non excedant; quia, sicut audivimus, quidam ex praedictis personis id in Ecclesiis vestris nequaquam observant, super eo commoditati vestrae salubriter duximus providendum. Ideoque discretioni vestrae presentium auctoritate concedimus ut si praenominatae personae numerum electionis & personarum in Concilio constitutum, cum Ecclesias visitant, excedere forte praesumpserint, & pro illis procuracionem exegerint, liberum sit vobis auctoritate apostolica denegare. Et si propter hoc in Ecclesias vestras vel Clericos vestros aliquam sententiam promulgaverint, ipsam auctoritate apostolica decernimus non tenere. Nulli ergo &c. Datum Romae apud sanctum Petrum.

Epist. 140.  
Ne Praelati visitantes, multitudine minorum Ecclesiarum graventur.  
Cap. Cum ad quorundam De excessu Praelat.

E I S D E M.

VM à nobis petitur &c. usque ad verbum illud iustis precibus inclinati, conventionem inter vos ex una parte & dilectos filios nostros nobilem virum Petrum Comitem Nivernen. & Agnetem uxorem ipsius ex altera, per sollicitudinem venerabilis fratris nostri O. Hostien. Episcopi tunc apost. sedis Legati, mediante carissimo in Christo filio nostro Philippo Rege Francorum illustri unanimiter factam, super obligatione procuracionum, quas ipse Comes in Pascha & festivitate sanctae Mariae Magdalene ab Ecclesia vestra accipere dicebatur, pro mille quingentis marchis argenti facta, sicut in eorundem Regis, Episcopi, Comitis, & Comitissae, & bonae memoriae Archiepiscopi Senonen. & venerabilium fratrum nostrorum Eduen. Lingonen. Antisiodoren. & Nivernen. Episcoporum scriptis authenticis & testimoniis pro bono pacis & concordiae continetur, auctoritate apostolica confirmamus & praesentis scripti pagina communimus. Praeterea vobis districtius sub excommunicationis poena vetamus, ne de pecunia ista liceat vobis vel succes-

Epist. 141.  
Concordiam super procuracione cum Comite Nivernen. approbat.  
De controversia qua erat inter Comitem Nivernen. & monachos Veseliae. vide To. III. Speculogij Dauberiani pag. 529. & seqq. 583. & seqq.

foribus vestris aliquid relaxare. Decernimus ergo &c. Datum Romæ apud sanctum Petrum.

*SENONEN. ARCHIEPISCOPO,  
Eduensi, Lingonensi, Antistodorensi,  
& Nivernen. Episcopis.*

*Epist. 142.  
Vt concordiam,  
de qua epistola  
precedenti, Comi-  
tis heredes atque succes-  
sore observare  
cogant.*

**V**estra novit universitas qua conventio intervenerit inter dilectos filios nostros Girardum Abbatem & fratres Virziliacem. & nobilem virum P. Comitem Nivernen. atque Agnetem uxorem ipsius super obligatione procurationum quas ipse Comes à cœnobio Virziliacem. in Pascha & festivitate beatae Mariæ Magdalena recipere dicebatur. Cùm igitur compositionem illam ad exemplar felicitis memoriae Celestini Papæ prædecessoris nostri, qui ejus processum plenè cognovit, auctoritate apostolica duxerimus confirmandam, fraternitati vestrae per apostolica scripta mandamus, firmiterque præcipimus, quatenus si prædicti Comes & Comitissa vel heredes eorum ab illa compositione resilierint, & non observaverint eam, quemadmodum in authenticis scriptis venerabilis fratris nostri Octaviani Hostien. Episcopi, tunc apostolicæ sedis Legati, & carissimi in Christo filij nostri Philippi Regis Francorum illustris, & eorumdem Comitis & Comitissæ & vestris evidentissimè continetur, vos eos auctoritate nostra suffulti ad observationem ejusdem conventionis & singillatim & communiter per excommunicationis & interdicti sententiam, sublato appellationis impedimento, cogatis. Volumus autem ut sicut vos ad hoc tenemini, ita & vestri successores ad idem in posterum teneantur. Datum Romæ apud sanctum Petrum.

*ARCHIPRESBYTERO  
S. Andreae de Pallian.*

*Epist. 143.  
Vt uxorem, quæ  
maritus ob præ-  
viam suspitionem  
abjecerat, reci-  
pere cogat, &  
Clericum de  
suo crimine  
gloriantem  
suspendat.  
Cap. Quam sit  
græve. De excep-  
sibus prelatorum.*

**Q**vam sit grave crimen in Clericis gloriari cùm malefecerint, & in rebus pessimis exultare, nullus sanæ mentis ignorat. Accepimus sanè (quod non sine dolore referimus) quòd cùm Riccius de Gerrone R. filiam suam cuidam Iohanni nomine tradiderit in uxorem, Petrus Diaconus Ecclesiæ sancti Petri, filius A. sacerdotis, non erubuit publicè profiteri se prædictam feminam carnaliter cognovisse. Vnde factum est quòd prædictus vir ad propria eam remitte-

ret, cui fuerat matrimonialiter copulata. Quapropter per apostolica tibi scripta mandamus, quatenus si tibi constiterit de præmissis, omni contradictione & appell. cessante præfatum Clericum ab officio & beneficio suspendere non possonas, compellens virum ut uxorem suam recipiat, eique, sicut justum est, officium exhibeat maritalæ. Datum ut supra IV. Idus Maij, pontificatus nostri anno primo.

*BRIXINEN. ELECTO.*

**S**i gratis factam tibi à sede apost. gratiam recepisses, nec ejus benignitate fuisses abusus, privilegium forsitan non mereris amittere, dum non abutereris concessa tibi à sede apost. potestate. Cùm enim, sicut accepimus, bonæ memoriæ Celestinus Papa prædecessor noster tibi misericorditer indulgisset ut aliquandiu morareris in scholis, ut paginae divinae vacares, beneficij hujus ingratus, & indulgentiam ipsam indecenter interpretans, secularibus legibus adhæstisti, non attendens quòd secundum Apostolum nemo militans Deo implicat se negotiis secularibus. Quia igitur abusionem tuam non possumus æquanimitè sustinere, discretionij tuæ per apostol. scripta mandamus, & distinctè præcipimus, quatenus omni mora & excusatione cessante, ad gerendam sollicitudinem Ecclesiæ tibi creditæ revertaris, aliquem bene instructum in divina pagina, per quem proficere possis, tecum, si volueris, deducturus; ne fortè, sicut in annis, ita pariter & in actibus juvenem te ostendas. Datum Romæ apud sanctum Petrum.

*DECANO, CANTORI,  
& I. Morelli Canonico Xantonen.*

**N**obis, nec immeritò, ad cumulum indignationis accedit, quòd multi apostolicæ sedis reverentiam minimè attendentes, in tantæ rebellionis aculeum eriguntur, quòd ad receptionem eorum etiam quos nostris servitiis insistere nobisque familiariter adherere non dubitant, difficiles se ostendunt, graviterque repugnant, ut mandata apostolica eludantur. quòd tanto nobis cedit ad dedecus, tantòque acrius nos commovet contra eos, quanto ignominiosius videretur, si propter remissionem ac tepiditatem nostram eorum infecta nego-

*Epist. 144.*

*Epist. 145.  
Vt Villielmū  
scriptorem Pa-  
pæ curent in ca-  
nonicam Peda-  
vicenſi pacificè  
tueri.*